

18.07.2014.



Upravni odbor Udruženja poslodavaca BPK Goražde održao je 16.07.2014.godine 33. redovnu sjednicu na kojoj se našlo 9 tačaka dnevnog reda.

Na početku sjednice usvojen je Zapisnik sa 32.redovne sjednice, te je potom razmatran finansijski Izvještaj Udruženja poslodavaca sa posebnim osvrtom na ukupan prihod i rashod za 6 mjeseci 2014.godine.

Iz Izvještaja se vidi da su rashodi veći od prihoda 858,56 KM u posmatranom periodu te donesen **Zaključak:**

Sve članove Udruženja poslodavaca BPK Goražde koji imaju dug za neplaćenu članarinu preko 24 mjeseca opomenuti da izvrše uplatu duga ili dijela duga u roku od 15 dana ili će se u protivnom postupiti po članu 13. Statuta Udruženja poslodavaca BPK Goražde prestanak članstva u Udruženju i pri tome izgubiti prednosti i pogodnosti koje nudi članstvo.

Upravni odbor nalaže da se intenziviraju aktivnosti na privlačenju novih članova Udruženja poslodavaca, naplati potraživanja od članarine, te nastojanje da se dobije grant od Vlade BPK Goražde kako bi se ustabilila finansijska situacija u Udruženju poslodavaca.

U nastavku sjednice Upravni odbor je primio k znanju informaciju „Analiza opterećenja privrede na području BPK Goražde“, kao i analiza opterećenja privrede na nivou Federacije BiH“.

Iz analize se uočava da je privreda preopterećena raznim i parafiskalnim nametima posebno nametima kao što su : općekorisne funkcije šuma, članarina tursitičkim zajednicama, visoke stope doprinosa, visoke cijene rente, razne administrativne, komunalne, sudske i druge takse i mnogo drugih opterećenja.

Posebno je istaknuta činjenica opterećenja na plaću koja iznosi 69% , dok u Republici srpskoj iznosi 52%.

Donesen se slijedeći **Zaključak:**

Upravni odbor je generalnog stava da je privreda preopterećena raznim fiskalnim i parafiskalnim nametima, počevši od visoke cijene rente, preko raznih administrativnih, komunalnih, sudskih i drugih taksi, općekorisnih funkcija šuma, članarina za turističke zajednice, visokih stopa doprinosa i sl.

U cilju rasterećenja privrede u narednom periodu potrebno je ozbiljno pristupiti ovom problemu i poduzeti aktivnosti na smanjenju nameta na privredu na svim nivoima a pri tome iznaći načine da se neugrozi stabilnost budžeta i vanbudžetskih fondova.

U daljem toku sjednice Upravni odbor je razmatrao prijedlog obilježavanja 10-godišnjice od osnivanja Udruženja poslodavaca BPK Goražde.

Donesen je slijedeći **Zaključak:**

Budući da se 06.05.2015.godine navršava 10 godina od osnivanja Udruženja poslodavaca BPK Goražde, Upravni odbor nalaže da se decenija postojanja Udruženja poslodavaca obilježi na prigodan način uz određen program prisjećanja na rad Udruženja poslodavaca proteklih 10 godina, kao i dodjeljivanje zahvalnica onima koji su dali najveći doprinos u radu Udruženja.

Kako bi ostao pisani trag rada Udruženja poslodavaca u periodu 2005-2015.godina započeti sa aktivnostima izrade Publikacije „ 10 godina rada Udruženja poslodavaca“ za šta su potrebna određena finansijska sredstva koja je potrebno iznaći iz raznih izvora, za šta se zadužuju svi

članovi Upravnog odbora.

Zadužuje se sekretar Udruženja poslodavaca da počne sa pripremama izrade publikacije kao i sa izradom programa manifestacije uključujući voditelja/voditeljicu i sa prikupljanjem arhivskim materijala tj.video zapisa sa održanih sjednica Udruženja (osnivačka Skupština i sl.), slika koje bi se prikazivale, te drugih radnji potrebnih za održavanje ovog jubileja.

Razmatrana je i informacija o anketama putem web stranice koje je obavljala stručna služba Udruženja poslodavaca:

Predstavljeni su slijedeći rezultati:

Anketa br 1.

Pitanje:

Kakav je poslovni ambijent u BPK Goražde u odnosu na okruženje ?

Odogovori:

- Povoljniji u odnosu na okruženje - 30

- Isti kao u okruženju - 13

- Nepovoljniji u odnosu na okruženje - 1

Anketa br.2

Pitanje:

Kako vidite dinamiku razvoja privrednih aktivnosti na području BPK Goražde ?

Odgovori:

- odvijaju se ubrzano - 25

- odvijaju se usporeno - 4

- stagniraju - 3

Anketa br.3.

Pitanje:

Kako vidite ulogu Udruženja poslodavaca u Ekonomsko-socijalnom vijeću BPK Goražde?

Odgovori:

- Može uticati na zakone nepovoljne za privredne subjekte, rasteriti privredu i uticati na bolji poslovni ambijent -13
- Nema bitan uticaj u Ekonomsko-socijalno vijeću -5
- Imalo bi zapažen uticaj sa većim zalaganjem u radu Vijeća ostala dva socijalna partnera-3

Anketa br.4

Pitanje:

Šta najviše opterećuje Vaše poslovanje ?

Odgovor:

- Visoke stope poreza i doprinosa – 8
- Nedostatak poticaja i povoljnih kreditnih sredstava potrebnih za proširenje poslovanja -7
- Loš poslovni ambijent -6
- Parafiskalni nameti (članarine tursitičkoj zajednici, općekorisne funkcije šuma i dr.) – 5

Nakon primanja k znaju informacije o anketama donesen je **Zaključak:**

Anketiranje putem web stranice ocijenjuje se kao pozitivno, jer se na taj način prikupljaju informacije potrebne za daljnje aktivnosti Udruženja poslodavaca i o trenutnom stanju u privredi i mišljenju poslodavaca o ekonomskoj situaciji u kantonu i šire.

U narednom periodu nastaviti sa drugim anketama i redovno obavještavati Upravni odbor o rezultatima ankete.

Na kraju sjednice Upravni odbor je primio k znanju informaciju o novim članovima Udruženja poslodavaca i to firme "Unis Ginex" d.d. i "Pobjeda rudet" d.d. i zaključio da će se zasigurno sa njihovim učlanjenjem ojačati kapacitet Udruženja poslodavaca i u brojčanom i u finansijskom smislu.

Tehnička služba